

## ხელშეკრულება

№ EU/2019/99

ქ. თბილისი

16 მაისი 2019 წელი.

ერთი მხრივ შპს „ჯიესი“, მისი დირექტორის ეკატერინე ყურაშვილის სახით შემდგომში „მიმწოდებელი“ და მეორე მხრივ, სსიპ „საინფორმაციო ცენტრი ნატოსა და ევროკავშირის შესახებ“, წარმოდგენილი მისი დირექტორის ნინო ბოლქვაძის სახით, შემდგომში „შემსყიდველი“, „სახელმწიფო შესყიდვების შესახებ“ საქართველოს კანონის 10<sup>1</sup>-ე მუხლის 3 პუნქტის „ვ“ ქვეპუნქტის შესაბამისად ვადგენთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი

1.1. წინამდებარე ხელშეკრულებით „მიმწოდებელი“ ვალდებულია კისრულობს უზრუნველყოს „შემსყიდველი“ ევროპის დღეებთან დაკავშირებული ღონისძიებების ფარგლებში სასაჩუქრე ნივთების (CPV18500000) მიწოდება.

#	საქონელი	რაოდენობა	ფასი	თანხა
1	თასი	2 ცალი	60.00	120.00
2	მედალი	40 ცალი	4.00	160.00
3	ფეხბურთის ბურთი	2 ცალი	50.00	100.00

სულ: 380.00

1.2. „მიმწოდებელი“ აცხადებს, რომ მას გააჩნია შესაბამისი ცოდნა, კვალიფიკაცია და საჭირო უფლებამოსილება ხელშეკრულების საგნით გათვალისწინებული მოთხოვნის შესასრულებლად.

### მუხლი 2. მომსახურების გაწევის ვადა

2.1. მხარეები თანხმდებიან, რომ წინამდებარე ხელშეკრულება განასხვავებს „ხელშეკრულების მოქმედების ვადას“ და „საქონლის მიწოდების ვადას“ .

2.2. ხელშეკრულების მოქმედების ვადა შეადგენს პერიოდს ხელმოწერის მომენტიდან და ძალაშია 2019 წლის 31 დეკემბრის ჩათვლით.

2.3. საქონლის მიწოდების ვადა- ხელშეკრულების გაფორმებიდან 10 სამუშაო დღის ვადაში.

2.5. „მიმწოდებლის“ მიერ წინამდებარე ხელშეკრულების 1.1. პუნქტით გათვალისწინებული შესყიდვის ფაქტები დასტურდება მხარეთა მიერ ხელმოწერილი მიღება-ჩაბარების აქტებით.

### მუხლი 3. შესყიდვის ღირებულება და მისი გადახდის პირობები

3.1. წინამდებარე ხელშეკრულების 1.1. პუნქტით გათვალისწინებული საქონლის ღირებულება შეადგენს 380.00 (სამასოთხმოცი) ლარს, კანონმდებლობით გათვალისწინებული გადასახადების ჩათვლით.

3.2. ხელშეკრულების 3.1. პუნქტში მითითებული მთლიანი თანხის ანაზღაურება ხორციელდება მიღება-ჩაბარების აქტის ხელმოწერიდან 10 სამუშაო დღის ვადაში.

3.3. ანაზღაურება ხდება უნაღდო ანგარიშსწორებით, მიმწოდებლის მიერ მითითებულ საბანკო ანგარიშზე გადარიცხვის გზით.

### მუხლი 4. მხარეთა უფლებები და ვალდებულებები

4.1. „შემსყიდველი“ ვალდებულია:

4.1.1 აუნაზღაუროს მიმწოდებელს ხელშეკრულების საგნის ღირებულება ხელშეკრულებით და მხარეთა შეთანხმებით გათვალისწინებული წესითა და ოდენობით;

4.1.2. დროულად მიაწოდოს მიმწოდებელს ყველა მოთხოვნილი ინფორმაცია, რაც საჭიროა წინამდებარე ხელშეკრულებით განსაზღვრული პირობების შესაბამისად;

4.1.3. გააცნოს მიმწოდებელს ყველა მოთხოვნა და პირობები, რომლებიც გამომდინარეობს ხელშეკრულების საგნის თავისებურებიდან.

4.2. „შემსყიდველი“ უფლებამოსილია:

4.2.1. ნებისმიერ დროს შეამოწმოს მიმწოდებლის მიერ მისაქოდებელი საქონლის ხარისხი და მისი შესაბამისობა ხელშეკრულების პირობებთან;

4.2.2. გამოთქვას მოსაზრებები მიმწოდებლის მომსახურებასთან დაკავშირებით და ხარვეზების არსებობის შემთხვევაში მისცეს შესაბამისი ინსტრუქციები და შენიშვნები მათ აღმოსაფხვრელად;

4.2.3. მიმწოდებლის მიერ ხელშეკრულების პირობების ნებისმიერი დარღვევისას უარი თქვას ხელშეკრულებაზე და მოითხოვოს მიყენებული ზიანის ანაზღაურება

4.3. „მიმწოდებელი“ ვალდებულია:

4.3.1. მიაწოდოს საქონელი ხელშეკრულებით განსაზღვრულ ვადაში;

4.3.2. შეასრულოს ხელშეკრულება სრული მოცულობით, სათანადო ხარისხით, ამ ხელშეკრულებით დადგენილი პირობებისა და მოთხოვნების შესაბამისად;

4.3.3. მიაწოდოს საქონელი სათანადო ხარისხით, საქართველოში მოქმედი და საერთაშორისო სტანდარტებით დადგენილი შესაბამისი მოთხოვნების შესაბამისად;

4.3.4. დროულად აცნობოს შემსყიდველს ყველა იმ დოკუმენტისა და ინფორმაციის საჭიროების შესახებ, რაც საჭიროა საქონლის სათანადო ხარისხით მიწოდებისთვის;

4.3.5. შემსყიდველის მოთხოვნის შემთხვევაში, დაუყონებლივ და უსასყიდლოდ შეიტანოს ცვლილებები შესყიდვის საგანში.

4.3.6. არ გაახმაუროს ფაქტები, რომლებიც წარმოადგენენ სახელმწიფო, პირად, კომერციულ და პროფესიულ საიდუმლოებას, რომელიც მისთვის ცნობილი გახდა სახელშეკრულებო ვალდებულებების შესრულებისას;

4.3.7. პერიოდულად მიაწოდოს შემსყიდველს ინფორმაცია სამუშაოს შესრულების შესახებ და მიმწოდებლის მოთხოვნის შემთხვევაში წარუდგინოს იმ დროისათვის შესრულებული სამუშაო;

4.3.8. უზრუნველყოს მიმწოდებლისთვის ნივთობრივად და უფლებრივად უნაკლო შესყიდვის საგნის მიწოდება.

4.4. „მიმწოდებელი“ უფლებამოსილია;

4.4.1. მოითხოვოს მიწოდებული საქონლის ღირებულების ანაზღაურება დროულად, ხელშეკრულებით დადგენილი პირობების შესაბამისად;

4.4.2. დროულად მიიღოს ყველა ის ინფორმაცია და დოკუმენტაცია, რაც აუცილებელია საქონლის მიწოდებისთვის.

## **მუხლი 5. მხარეთა პასუხისმგებლობა**

5.1. მხარეები პასუხისმგებელნი არიან ხელშეკრულებით გათვალისწინებული ვალდებულებათა შეუსრულებლობისთვის ან არაჯეროვანი შერულებისათვის წინამდებარე ხელშეკრულებითა და საქართველოს მოქმედი კანონმდებლობის შესაბამისად;

5.2. მხარეები პასუხს აგებენ იმ მატერიალური თუ სხვა სახის ზიანისათვის, რომელიც გამოწვეული იქნება მეორე მხარესათვის წერილობითი შეთანხმების გარეშე კონფიდენციალური ინფორმაციის გავრცელებით.

5.3. მიმწოდებლის მიერ სამუშაოს შესრულების 2.3. მუხლით გათვალისწინებული ვადის დარღვევის შემთხვევაში, შემსყიდველი უფლებამოსლია დააკისროს პირგასამტეხლო, ხელშეკრულების მთლიანი ღირებულების 0.02%-ის ოდენობით, ყოველ ვადაგადაცილებულ დღეზე.

## **მუხლი 6. დავების გადაწყვეტა**

6.1. მხარეები იღებენ ყველა ზომას, რათა ამ ხელშეკრულებიდან გამომდინარე ყველა დავა ან წინააღმდეგობა გადაწყდეს მოლაპარაკების გზით.

6.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ყველა სახის დავა, რომელიც წარმოიშობა მხარეებს ან მათ წარმომადგენლებს შორის წინამდებარე შეთანხმების საფუძველზე ან მისგან გამომდინარე განიხილება და გადაწყდება სასამართლოს მეშვეობით, საქართველოს კანონმდებლობის შესაბამისად.

6.3. დავის არსებობა არ წარმოადგენს ხელშეკრულების შეწყვეტის საფუძველს და მხარეები ვალდებული არიან გააგრძელონ ნაკისრი ვალდებულებების შესრულება გარდა სადავო საკითხისა.

## **მუხლი 7. დაუძლეველი ძალა**

- 7.1. ვალდებულების შეუსრულებლობისათვის მხარეები თავისუფლდებიან პასუხისმგებლობისაგან, თუ კი ეს გამოწვეული იყო დაუძლეველი ძალის გარემოებათა გამო. მხარე, რომელიც ვერ ასრულებს ვალდებულებებს დაუძლეველი ძალის გარემოებათა გამო, ვალდებულია დაუყოვნებლივ აცნობოს ამის შესახებ მეორე მხარეს;
- 7.2. იმ შემთხვევაში როცა დაუძლეველი ძალის გარემოებების არსებობას ადგილი ქონდა 20 კალენდარული დღის განმავლობაში, ნებისმიერ მხარეს შეუძლია შეწყვიტოს წინამდებარე ხელშეკრულება.

## **მუხლი 8. დასკვნითი დებულებები**

- 8.1. ხელშეკრულებაში ცვლილებისა და დამატების შეტანა შესაძლებელია მხოლოდ მხარეთა შეთანხმებით. ამასთან ცვლილება და დამატება შესრულებული უნდა იყოს წერილობითი ფორმით და ხელმოწერილი მხარეთა მიერ;
- 8.2. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან/და ვალდებულებანი გაასხვისოს ან გადასცეს მესამე პირებს;
- 8.3. წინამდებარე ხელშეკრულებიდან გამომდინარე ნებისმიერი შეტყობინება მხარისათვის ჩაბარებულად ითვლება თუ იგი გადაცემულია პირადად, გაგზავნილია ფაქსით, დაზღვეული ან ელექტრონული ფოსტის მეშვეობით;
- 8.4. ხელშეკრულების რომელიმე პუნქტის ან პირობის გაუქმება, ბათილობა, შეწყვეტა არ გამოიწვევს მთლიანი ხელშეკრულების ბათილობას ან შეწყვეტას;
- 8.5. მხარეები ადასტურებენ, რომ წინამდებარე ხელშეკრულება ხელმოწერის მომენტისათვის წარმოადგენს მხარეებს შორის მიღწეულ ამომწურავ შეთანხმებას და აუქმებს მხარეებს შორის იგივე საგანზე არსებულ ნებისმიერ წინარე შეთანხმებას;
- 8.6. იურიდიული მისამართის ან საბანკო ბანკის რეკვიზიტების შეცვლის შემთხვევაში, მხარეები ვალდებულნი არიან 5 (ხუთი) დღის განმავლობაში შეატყობინონ ერთმანეთს ამის შესახებ;
- 8.7. ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად და თითოეული გადაეცემა მხარეებს.

## **მხარეთა ხელმოწერები და რეკვიზიტები**

„შემსყიდველი“	„მიმწოდებელი“
სსიპ „საინფორმაციო ცენტრი ნატოსა და ევროკავშირის შესახებ“	შპს „ჯიესსი“
ს/კ 202303765	ს/კ 402046406
ქ. თბილისი შ. დადიანის 2/1	ქ. თბილისი, წერეთლის გამზ ქ, # 49-51-51ა
სახელმწიფო ხაზინა	ბანკი: „საქართველოს ბანკი“
კოდი TRESGE22	ბ/კ BAGAGE22
	ა/ა GE08BG 0000 0001 6159 5100
დირექტორი	დირექტორი
ნინო ბოლქვაძე	ეკატერინე ყურაშვილი